



KENYATAAN MEDIA

KEMENTERIAN PERALIHAN TENAGA DAN TRANSFORMASI AIR (PETRA)

KENYATAAN MENGENAI DEKLARASI ASEAN 2045

PUTRAJAYA, 27 Mei 2025 – Kementerian Peralihan Tenaga dan Transformasi Air (PETRA) sebagai agensi peneraju bagi pembangunan tenaga di rantau Asia Tenggara, menyokong penuh Deklarasi Kuala Lumpur ASEAN 2045: Masa Depan Bersama untuk merealisasikan *ASEAN Economic Community Strategic Plan*, dengan memperluas skop kerangka kerjasama serantau dalam bidang tenaga.

Dalam merealisasikan matlamat ini, Kementerian ini komited untuk memperkuat kerjasama serantau melalui pemuktamadan pelan tindakan dan kerangka strategik yang merupakan *Priority Economic Deliverables (PED)* bagi menyokong peralihan tenaga yang adil dan berstruktur yang merangkumi:

- a) *ASEAN Plan of Action for Energy Cooperation (APAEC) 2026-2030* yang bertindak sebagai kerangka utama yang menggariskan hala tuju jangka panjang dan inisiatif strategik ke arah sistem bekalan tenaga serantau yang berdaya harap, inklusif dan mapan menjelang 2045;
- b) Memorandum Kerjasama *ASEAN Power Grid (APG)* yang akan meletakkan asas kepada pelaksanaan integrasi grid dan sambung tara di antara negara anggota ASEAN yang bakal mempercepatkan integrasi sistem grid serantau bagi memudahkan perdagangan elektrik rentas sempadan, dan menyokong penjanaan dan penggunaan tenaga boleh baharu secara lebih meluas; dan
- c) *Trans ASEAN Gas Pipeline Agreement (TAGP)* dan *ASEAN Petroleum Security Agreement (APSA)* yang akan menyediakan kerangka pembekalan bahan api (gas asli dan petroleum) untuk menyokong peralihan progresif kepada sistem tenaga rendah

karbon termasuk untuk penjanaan elektrik bagi memastikan keterjaminan bekalan tenaga.

Melalui inisiatif dan program ini, PETRA memberi komitmen akan menyokong ketetapan di bawah Deklarasi ASEAN 2045 termasuk usaha peralihan tenaga sebagai landasan strategik ke arah pembentukan Komuniti Ekonomi ASEAN yang lebih mampan, inklusif dan berdaya tahan. Komitmen ini selari dengan kerangka Malaysia MADANI yang menekankan kemampanan, kesejahteraan dan inovasi dalam pembangunan negara, serta memperkukuh kerjasama serantau demi manfaat bersama seluruh komuniti ASEAN.

YAB DATO 'SRI FADILLAH BIN HAJI YUSOF
TIMBALAN PERDANA MENTERI DAN MENTERI PERALIHAN
TENAGA DAN TRANSFORMASI AIR
27 MEI 2025

Unit Komunikasi Korporat | Kementerian Peralihan Tenaga dan Transformasi Air (PETRA)
Tel.: 03-8000 8000 | E-Mel: ukk@petra.gov.my



PETRA

